

**Timbalan presiden PKR: Azmin terus di depan
Malaysiakini.com
November 06, 2010**

Walaupun sebelum ini Sabah dianggap sebagai kubu kuat Datuk Zaid Ibrahim, pesaing utamanya Azmin Ali bagaimanapun terus menjarakkan diri di depan dalam persaingan kerusi timbalan presiden PKR.

Berdasarkan keputusan tak rasmi daripada 77 cabang yang diperoleh setakat ini - 68 sebelum ini dan 9 hari ini - Azmin mendapat 4,146 undi, Zaid 3,402 dan Mustaffa Kamil Ayub 1,189.

Ini bermakna, Azmin unggul depan dengan majoriti 744 undi.

Bagaimanapun, keputusan berdasarkan sumber dalaman parti menunjukkan perbezaan kecil daripada segi jumlahnya di mana Azmin dikatakan mendapat 4,197 undi, Zaid 3,405 dan Mustaffa 1,186 undi.

Sebanyak 12 cabang dijadual mengadakan pemilihannya hari ini.

Dua daripadanya - Silam dan Penampang - ditangguhkan kepada 20 November atas sebab-sebab tertentu.

Manakala satu lagi kerusi, Libaran - antara kerusi terbesar yang mengadakan pemilihannya hari ini - setakat jam 11 malam, keputusannya masih belum diketahui.

Minggu lalu Azmin mengutip 3,051 undi, Zaid sebanyak 2,529, Mustaffa pula mendapat 1,149 undi.

Keputusan rasmi pemilihan untuk minggu ini dijadual diumumkan oleh Setiausaha Agung PKR Saifuddin Nasution dalam satu sidang media Isnin ini.

Berikut keputusan pemilihan PKR mengikut cabang:

Pasir Mas Azmin (35), Zaid (53), Mustaffa (0)
(89 daripada 490 turun mengundi)

Kota Belud Azmin (16), Zaid (133), Mustaffa (1)
(153 daripada lebih 2,000 turun mengundi)

Papar Azmin (124), Zaid (28), Mustaffa (2)
(154 daripada kira-kira 2,700 turun mengundi)

Sandakan Azmin (417), Zaid (25), Mustaffa (13)

Keningau Azmin (26), Zaid (169), Mustaffa (3)

Kota Kinabalu Azmin (34), Zaid (162), Mustaffa (0)

Ranau Azmin (153), Zaid (107), Mustaffa (10)
(290 daripada kira-kira 3,800 turun mengundi)

Kudat Azmin (67), Zaid (138), Mustaffa (2)
(222 daripada 2,226 turun mengundi)

Beufort Azmin (223), Zaid (58), Mustaffa (9)

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/147482>